

CENTRALNA BANKA
BOSNE I HERCEGOVINE
Broj: 150-15-4-664-~~8~~/18 TT
Sarajevo, 1. april 2019. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o izboru najpovoljnijeg ponuđača u postupku javne nabavke roba – gume za putnička vozila za potrebe Centralne banke Bosne i Hercegovine – Glavna jedinica Sarajevo – LOT 2, putem konkurentskog zahtjeva za dostavljanje ponuda

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku guma za putnička vozila za potrebe Centralne banke Bosne i Hercegovine – Glavna jedinica Sarajevo – LOT 2, putem konkurentskog zahtjeva za dostavljanje ponuda, dodjeljuje ponuđaču **GUMA M d.o.o. Mostar**, na period od jedne (1) godine, u svemu prema Ponudi broj: 143-03/19 V od 5. marta 2019. godine i izvještaju o toku i završetku e-aukcije.

Član 2.

Prema izvještaju o toku i završetku e-aukcije, Ponuda ponuđača iz člana 1. ove odluke, glasi na iznos od:

574,04 KM bez uračunatog PDV-a
(slovima: petstotinasedamdesetčetiri i 04/100 konvertibilnih maraka)

odnosno

671,63 KM sa uračunatim PDV-om
(slovima: šeststotinasedamdesetjedan i 63/100 konvertibilnih maraka)

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti Okvirni sporazum, za čije se izvršenje zadužuje Centralna banka Bosne i Hercegovine – Glavna jedinica Sarajevo (u daljem tekstu: Glavna jedinica Sarajevo).

Član 4.

Za realizaciju ove odluke zadužuju se Glavna jedinica Sarajevo i Odjeljenje za javne nabavke Centralnog ureda Centralne banke Bosne i Hercegovine.

Član 5.

Ova odluka će se objaviti na web stranici Centralne banke Bosne i Hercegovine, www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama («Službeni glasnik BIH», broj 39/14).

Obrazloženje

Postupak javne nabavke roba – gume za putnička vozila, putem konkurentskog zahtjeva za dostavljanje ponuda, pokrenut je Odlukom o pokretanju postupka, broj: 150-15-4-664-3/19 SR od 11. februara 2019. godine. U skladu s tim, Centralna banka je 20. februara 2019. godine na portalu Javnih nabavki objavila Obavještenje o nabavci broj: 1370-7-1-103-3-82/19, te uputila Poziv za preuzimanje Tenderske dokumentacije putem konkurentskog zahtjeva sljedećim ponuđačima:

1. UNITRADE d.o.o., Pijačna 24B, 71000 Sarajevo;
2. M.R.M. d.o.o., Put za Međugorje bb, 88320 Ljubuški;
3. GUMA M d.o.o., Bišće polje bb, 88000 Mostar.

U roku određenom za prijem ponuda, odnosno do 11. marta 2019. godine, za LOT 2 su dostavljene ponude sljedećih dobavljača: UNITRADE d.o.o. Ljubuški, M.R.M. EXPORT IMPORT d.o.o. Ljubuški i GUMA M d.o.o. Mostar.

Komisija nadležna za provođenje postupka javne nabavke (u daljem tekstu: Komisija) je nakon izvršenog pregleda i ocjene ponuda konstatovala sljedeće:

Pristigla ponuda ponuđača M.R.M. EXPORT IMPORT d.o.o. je neprihvatljiva iz razloga što ponuđač nije dokazao da ispunjava uslove za tehničku i profesionalnu sposobnost ponuđača tražene Tenderskom dokumentacijom u predmetnom postupku (u daljem tekstu: TD). Odjeljkom C, tačka 4.1, podtačka a) TD-e, kao uslov za tehničku i profesionalnu sposobnost ponuđača je traženo "Uspješno iskustvo u realizaciji najmanje dva ugovora isporuke predmeta nabavke, u posljednje dvije godine, računajući od momenta predaje ponude..." Ponuđač M.R.M. EXPORT IMPORT d.o.o je u svojoj ponudi dostavio potvrdu o tri realizovana ugovora međutim potvrda za samo jedan ugovor je obuhvatala period tražen TD-om.

Pristigle ponude ponuđača: UNITRADE d.o.o i GUMA M d.o.o., zadovoljavaju sve uslove tražene tenderskom dokumentacijom, te je shodno tome Komisija zakazala e-aukciju za dan 18. marta 2019. godine u 11:15 sati, u trajanju od 10 minuta.

U skladu sa kriterijem najniža cijena i Izvještajem o toku i završetku e – aukcije, Komisija je u svom Zapisniku o pregledu i ocjeni ponuda broj: 149-15-4-923-9/19 od 21. marta 2019. godine i Izvještaju o radu Komisije sa preporukom, broj 149-15-4-923-10/19 od 21. marta 2019. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 5 dana od dana prijema ove odluke.

GUVERNER

dr Senad Softić

Dostaviti:

- guverneru
- viceguvernerima
- uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Glavnoj jedinici Sarajevo (original)
- Odjeljenju za javne nabavke (original)
- u spis predmeta (original)
- arhiva